

(Artūrs suok spēlēt mutes harmonikas. Vusīm nu breinumu mute valī, vusi īt paceli, Dome pavoda. Veiramuote suok kuortuot ustabu, Jurs valk nūst Jezupa zubakus, aun sovas kurpes, ai aciem vusu laiku vāroj Step-ci, kura, kuo kārdynuodama, grūzuos pa priķšu, i pi se-ve runoj: "Kas par sīvīti, kas par mīsu!")


Jurs: *(Pīguojis Stepcei nu aizmugures)* Varbyut mes varātu kaut kur mīriģi parunuot?

Veiramuote: Par kū ta nā? Var jou i parunuot. Kopeju dzersēt?

Jurs: Naacasaciešu.

Veiramuote: Nu īsem tūlaik iz vīrtuvi, aizvuoriesem iudeni i papļāpuosem. *(Abeģi aizīt)*

"Tāva meitas"



Skots nu lugys izruodis:

Tāvs – Imants Slišāns,

Ralfs – Aigars Keišs

Dorbojūšuos personas:

Tāvs, ap 50 –55 godīm

Muote, ap 50 godīm

Iveta, jūs meita, 26 godi

Inese, vacuokuo jūs meita, 28 godi

Stase, siebrenīca, ap 50 godīm

Dāls, Stases dāls, 28 godi

Ralfs, spānis, 40 godu

1. AINA

(Ustaba – divāns, sekcijas daļa, žurnālu gaļdins, puče, atpyutas krāsls, televizors. Durovas iz meitas ustabu, iz virtuvi. Īt Iveta nu sovas ustabas. Kruošēj lyupas i veruos spūgulītī. Īt tāvs nu virtuves puses. Rūkuos kopeja krūze)

Tāvs: Muns lylys puiss vieļ guļ?

Iveta: Guļ. Īdevu buču, i napazakustie. Šudiņ jius otkol abeji īset sūļs sūlie? *(Līk sūmiņie lyupu kruosu, spūgulīti)*

Tāvs: Jā. Jam ir interese par vusīm puīšu dorbīm. A man par tū lyļs priks. Cikam man navā suocīs kurunuotoja dorbs, es jū gluobšu nu tuo bārnuduorza.

Iveta: Muoci, muoci sovu mozdālu, ātri jam suoksis škola. Radzi, ka jis nu teve ni sūļa nāātīt nūst. Vakar kliepie i aizmyga.

Tāvs: Kū dariesi, ka jius ai Inesīti man toļkin ešat. Tūtīs mozdāls byus dzymtas turpynuotojs. Ka jou nastousti, kas juo tāvs...

Iveta: *(steidzīgi, stingrā bolsā)* Tātoj, beidz!

Tāvs: Es jou nikuo, es prīcojūs, ka jam myusu uzvords, i es nivīnam nadūšu kryudiet ni sovas meitas, ni mozdālu. Kod jis tev i gadejuos nažanātai, a augšskolu tuopat pabeidzi i vusīm mutes aizbuozi ai sovu centību i kuortīgū uzvedību. *(Škūrsta avīzes)*

Iveta: Labi, īšu iz dorbu.

(Zvona telefons, Iveta raun nu sūmas)

Iveta: Jā... Tišām? Forši! Kū? (*Pazaver iz tāva*) Nu, mieģinuošu, bet nazynu. (*Atslādz mobilū*) Piec 2 dīnuom Inese atbrauc nu Spānejas.

Tāvs: Beidzūt! Itū priku...Skrišu saciet muotei! (*Aizīt*) Muot, Inese brauc muojos!

Inese: Jā! Kuo tāt tāvam pasaciet, muotei to vīnkuorši, tī problemu nabyus.

(*Atīt muote, rūkas priķšautā slauciedama*)

Muote: Inesīte atbrauc! Beidzūt bārns byus muojuos. Vasalu godu naradzāta, cik vīn kuo sazazvanejam i pa tū tovu internetu parunovam.

Tāvs: Moš mess mīru tam dorbam uorzemies. Toš jou ir ikruojuse, cik gribie, i pazaver, cik myusu muojas remontā naudas ir ilykuse.

Iveta: Jei atbrauks ar jaunū mašini i...

Muote: Mašine!

Tāvs: Jaunuo?

Iveta: Jā.

Tāvs: Kam jei tū naudu tuo izsviž!

Iveta: Tei mašine ir dieļ myusu, tātoj. Variesem abeji braukt.

(*Klauvej pi durovu, iīt Stase. Iveta iztaisnoj mugaru. Stase ai vusīm sveicynojuos*)

Stase: Vasaly pi jiusu! (*Nūzaver iz Ivetas*)

Iveta: Es eju iz dorbu. Nu čau, mamm, atā, tātoj! (*Pi vīna pīt, pi ūtruo, aizīt*)

Muote: Vasala, vasala!

Tāvs: Vasala, siebrenīc! Moš munam tāvam ai muoti kas ni nūtics? Aizvakar kuo beju.

Stase: (*Nūlīk teiklu*) Nā, trūba kiup, gūvs teirumā, tu-otod vuss kuortībā. Atskrieju pasiediet pi jiusu, ap 1200 atbrauks miernīks, navā kū sadariet da tuo laika, voi ta grīššu ai ritini tūs 7 kilometrus iz vīnu i ūtru pusi.

Muote: Siestīs, siestīs i pastuosti, kū otkon mierejat i deļ kuo ta ai ritini grīži, ka mašine ira?

Stase: Es, radzi, tū Žeiguru Stepci apkūpu, a jei man nūvieleja tū zemi, toļkin mieriets to tī nikas navā. Muns dāls šudin, abeji ai vacū, nūbrauce iz Riezekni naz kuodu detali mygluotojam vaicuot. Tuo jou mani vusur kuo kundzi ai mašini vodova. Lobs dāls, lobs!

Tāvs: Lobs, lobs, tuods pat, kuo i munas meitas – stru-odīgs, saimnīcīks, toļkin tuods pats kuo i tāvs – dorba dieļ i parunuot navā kod, kur ta vieļ iz jaunūs meitu pazaviert.

Stase: Jam vieļ gona laika – toļkin 28 gadi, a vot jiusīm to juobādoj – abī meitas nažanātas – vīnai 28, ūtrai 26 godi. Jaunuokuo jau ai dālu pyurā. Pavusam biedīgi.

Tāvs: Ka Iveta gribies, i dabuos veiru, tys nikas, ka die-ļiņ jou ira.

Muote: Jei ir kuortīga meita – pabeidze augškolu – dorbs ira i dāls aug.

Stase: Tuo ira. Salaseja nazyn kur tū bārnu, deļ tuo i nastuosta, kas juo tāvs. Kurīs to gribies nimt meitu ai tu-odu dzagiuzānu.

Tāvs: Stasi! Verīs sova dāla, a munus bārnus naaiztic! Man par sovuom meituom navā kauns. (*Aizīt iz meitas ustabu*)

Stase: Vui, cik sirdīgs!

Muote: Jā! Par meituom navā kauns. Piec divi dīnuom Inesīte atbrauc nu Spānejas ai jaunū mašini.

Stase: Kū! Mašini nūpīerkuse?

Muote: Jā! Deļ tāva i muosas. I naudas jai kuo spaļu – i zečie pībuožts, i bankā stāv, i deļ ituos muojas idūs.

Stase: Jā. Aizdūmeigi daudzi tuos naudas. Cik lyļu nau-du navar gūdīgi nūpeļniet. Kazyn kuodu dorbu jei tī do-ra. Verīs – atvess vieļ kuodu mozū niegerānu – i otkon auklieset.

Muote: Kū tu Stasi pļuopoji! Jei struodoj treis dorbūs – pa dīnu ola darietovā, vokarūs tulkoj dorbūs, a breiv-dīnuos ir gide tūrisma firmā. Vot i nateik vasalu godu iz muojuom.

Stase: Vot tys i ira – par daudzi ļaunat jai sovū vali. Oi... vareja te dzeivuot i lūpiņus kūpt, kam ta pa pasau-li skrīt.

Muote: Ai augškolas diplomu? Jei mozuos olgas dieļ iz uorzemiem brauce. Tī kod iz kuojes tyka – pašai nauda i myusim syuta.

Stase: Nauda loba dela. I zemes jiusim 30 hektari, i 3 meži. Vuss rūbežojuos ai myusu saimestību. Jiusu vacī ilgi vaira navilks. Varie jiusu Inese iz lauku dzeivuot.

Muote: Jai ir lyly plāni par vacuotāva muoju. Dzeivusem – redziesem. Ema iz virtuvi, pacīnuošu ai kopeju i gordumim, pazaviersi, kuo par meitas naudu tī vuss sapierkts i izremontiets. Tuodu aparatu vieļ redzejuse nabyusi. I tuo prois ātruok laiks.

2. AINA

(Muote gludynoj driebe, goldautu. Iveta kuortoj akmeņus dekoratīvā vāzie. Tāvs losa avīzi. Rej suns. Muote pazaver uorā.)

Muote: Breinums! Otkon Stase kluot – i vieļ ai vusu dālu.

Tāvs: Jei tok zyn, ka šudiņ Inese atbrauc. Dāls toš atvede jū.

Iveta: *(pazavāruse par muotes placu uorā).* Pučes veruos. Māmoj, es lobuok išu ai mozū pastaiguošu, es nagrybu te siediet i klausietīs, kuo Stase lilejuos ai sovū bagatību.

Tāvs: Es tožo kur ni sprukšu. Mane navā muojuos.

Muote: Kas vieļ nabyus! Tu to palic, lai Iveta it.

Tāvs: Kū es ai Stasi lai runoju. Jei toļkin lilej sovū dālu, a myusu Ivetini bruočej.

Muote: Siedi tepat. Es tožo nagrybu vīna palikt.

(It ikšā Stase, dāls)

Stase: Vasaly pi svādīnes!

Muote: Vasala, vasala!

Dāls: Vasaly! *(Sazasveicynoj ai tāvu)*

Stase: To jiusu meita vieļ navā atbraukuse?

Muote: Navā, geidam. Siesteties. Atneššu capumiņus i peiragu, Iveta picepe, muosu geidiedama. *(Izīt uorā)*

Tāvs: Kur ta jius tuo braukojat?

Stase: Bejam baznīcā i izagrīzem pi jiusu, gribam pazaviert iz jiusu atbraukušuos uorzemnīcas.

Tāvs: Ira myusim vieļ i Iveta, iz kuo pazaviert.

Stase: Kū ta Iveta, tū es bīži radzu, gryši audzynuot bārnu bez tāva. Tuo ira palaidnīguom meituom.

Tāvs: Kuoduom tev palaidnīguom! Jei škūluotoja.

Stase: Vot to monta! Olga moza, bārns pyurā.

Tāvs: *(sirdīgi)* Ka es zynuotu, kas bārna tāvs, es jam kuojes nu pakales izraustietu i ūlas atgrīztu, i šlipstes vītā pīkārtu.

(Dāls jūceigi nūrej šlikas, tausta koklu. Atīt muote, cīnoj)

Muote: Kū ta jaunuoku baznīcā stuostie?

Stase: Tū pašu, kū i cytas reizes, toļkin itumā reizie breidynova vusus vacuokus cylvakus, da i vusus, ka pa muojuom suokuši staiguot laupietoji.

Dāls: Jā! Jī pīduovojūts preci, lai pierk. Kuo izdevīgs moments – tuo apsvīžej ai gāzes balonini i aplaupa.

Stase: Tān tuodi laiki daguojušs. Ka jou kuods svešis it, juobyut uzmaneigam.

(Iveta iskrīn)

Iveta: Brauc! Inese brauc! Ešūte jou pi Punduru pagrīzīne.

(Stase pi lūga, muote raun nūst prikšautu)

Tāvs: Ema sageidiet.

Stase: Es to tepat palikšu. Apsasveicyno jat paprikšu jius. *(Sagiun dālu aiz driebiem)* Kur skrīsi?

Dāls: Kas ir?

Stase: Tu runoj ai Inesi, uzsmaidi. Ša kūšlenes, pacīnoj, meituom tys pateik.

Dāls: Ai kūšleniem? Deļ kuo?

Stase: Torta gobala to karmanā nanosuosi, a sīvas to tev vāk, cik ilgi dzeivuosi vīns pats.

Dāls: Viel jou jius ai tāvu nāšat apmyrušs, man labi i ai jiusīm. *(Ād kūšleni)*

Stase: Labi... Tev to labi, a man kauns, ka ni iz balliem imi, ni ai kuodu meitini runoji. Par gobalu nu jūs bāgi. A moš tu nariktīgs... nu tumuos deluos?

Dāls: Tu sprosta? Pati saceji – nazapin, dieliņ, ai meituom, a nā to izliks komatu golvā.

Stase: Tān jou tys laiks sen cauri. Nu teve ātri jou meitas biegs paceli. *(Veruos pi lūga)* Īt, smaidi i eši zolīds, tu tožo naaši zemie matams. Malnovu beidzi, mekaniks. A Inesei tān daudzi naudas, bogota. Ka apženiesi – i zemi, i mežu variesi dabuot viel kluot.

Dāls: Tu sprosta palykuse ai tū montas kruošonu. Lic man mīru!

(Īt vusi, nas sūmas. Sveicyno juos ai Stasi, dālu)

Inese: Tātoj, ej apsaver sovū jaunū mašini – tādiņ varieset ai Ivetu stūriet. Te ir dokumenti i atslāgas.

(Tāvs nazyn kur likt dokumentus, uztraukumā nūlik pi avīžu, Stase veruos iz Ineses sūmuom)

Tāvs: Ema riktīgi rozaviert mašini!

Inese: Ejte, es īšu puorzaģierbt.

Muote: Labi, meitiņ, labi. Es ikūršu vosaras virtuvīte plitini, man tī vuss jou sacapts, tān toļkin sasīldiešu.

(Inese, Iveta it iz sovū ustabu, tāvs, dāls, muote it uorā)

Muote: Ka gribi, ej leidza man. *(Nam avīžu čupu, kur dokumentus)*

Stase: Nā, es lobuok te pasiediešu. Pagaidiešu Inesīti. *(Stase palik vīna. Īt Iveta nu ustabas)*

Stase: Ivetiņ, pageidi! (Pavelk iz skatuves prikšu)

Iveta: Nu? *(Ar tuodu kuo napatyku)*

Stase: Tovai muosai byutu laiks jou ženietīs. Kazyn kū jei pa uorzemiem dareja. Moš ātri tī priki byus radzami.

Iveta: Ka jei griebies, i apsaženies.

Stase: Ai gribiešonu par moz. Vāk viel i nāmoja. Muns dāls kuo ūzuls, taisni deļ tovas muosas. Parunoj ai Inesi, aizsvīd vuordiņi!

Iveta: Jā? Jis jou sied zam tovas tupelos, bez tovas atļaves nikuo navar dariet, vot to ūzuls! Peļu apiņs, sātas molai pīzagivušīs. Tuods munai muosai nader!

Stase: Kuods peļu apiņs? Tu nadreiksti tuo runuot par munu Juonīti.

Iveta: *(Nikni acies)* Tīši es tuo dreikstu runuot. *(Aizīt)*
(Stase sirdīgi nasaprošanā nūšņuoc)

Stase: Idzi kuoda! Viel golvu ceļ geisā, munu dielini smuodej. *(Puormiedūši)* Tīši es tuo dreikstu runuot! *(Maina intonaceju)* Spindzele! Nā, tīši tu tuo nadreiksti runuot – pavastuo i pamastuo! Īšu i es pazaviert mašini. Ineses nasageidiet. *(Aizīt)*

(Izīt Inese, veruos ustabu, gluostūši pīzaskar miebeliem, var redziet, ka muojas jai ir mīlas)

Iveta: *(Iveta it ar torti)* Stase izavylka uorā mašini vierītīs. Čut iz tortes naacasāda.

Inese: Iveta, atsauc muoti, jei vosaras virtuvie.
(Atīt muote)

Muote: Ivetine sacie, ka tev naz kas svarīgs runojams. Moš i tev, meitiņ... tuopat kuo Ivetinei...

Inese: Beidz! Nā! Iveta jiusīm gribie tū izstuostiet, bet nabeja izdevības. Tuo... Pašlaik Gulbenes vīsnīcā mani geida Ralfs.

Muote: Kas tys tuods?

Inese: Jis muns draugs, bet es beidūs jū izreizes vest iz teni. Nazynovu, kuoda byus tāva reakcija.

Muote: Draugs... Tolkin draugs?

Inese: Draugs ai lūti nūpītņim nūdūmīm, deļ tuo i atvedu paruodiet.

Muote: Ak tuo? Ka jou nūpītņys, to, paļdis Dīvam, a par myusu tāvu to nazynu – jis jiusu dieļ gotovs sīnā skrīt. Kū padariesi – jius jou tāva meitas. Jis stingri vier-sīs tū tovu draugu.

Inese: Mes nūsprīdem, ka es nūskaidruošu situaceju i tūreiz braukšu piec juo pakalie. Tān tev juorunoj ai tāvu.

Muote: Kas tān byus? Nu kuruos puses suokt runuot. Nazynu, es tev nikuo, meit, navaru sūliet.

(Īt tāvs)

Tāvs: Brauksem ai Juoni izmieģinuot jaunū mašini. *(Meklej pa goldu)* Kur es te dokumentus lyku? Bāltinovā var byut kuoda policejas mašine. Kur ta palykušs?

Muote: Tī jou avīzes vīn.

Tāvs: Es te nūlyku Ineses dūtūs dokumentus!

Muote: Es augšējuos avīzes aiznešu pakurīm iz vosa-ras virtuvī.

Inese, Iveta, tāvs: Kū! *(Izskrīn vusi uorā)*

Muote: Toš navar byut, ka sadadzynovu, es jou kotru lopu redzeju, tī vieļ palyka kaudzīte. *(Aizīt)*

(Inese, Iveta nas teiklus, nam uorā duovanas – du-ovanmaisīnus. Lyls puču pušķis.)

Iveta: Muote gūvi puorsīn, a tāvs nas iudeni – tuo ka abeji pa ganībuom.

(Inese naz kū runoj ai Ralfu, sazasmej, apsačer, kuor-toj duovonas)

Inese: Vater! *(Ruoda maisini)*

Ralfs: Ja!

Inese: Mutter!

(Ralfs muoj ai golvu. Iveta, vārdamuos sovū duovonu)

Iveta: Jis tok nī eisti angļu, nī vuocu volūdu zyn.

Inese: Angļu zyn teiri labi, cytuoži jis nabyutu tūrisma firmas vadietojs.

Iveta: Radzi, ka teve pi dokumentu tulkuošonas tuopat vādzie.

Inese: Vuocu volūdu gon pašvaki puorvolda, a tāvs ai muoti tiši tū i muocejuos školā.

Iveta: Jī ai Ralfu byus vīnuodā līmenie.

(Inese soka kaut kū Ralfam, abas aizī iz sovū ustabu, cylvuodamas kaut kuodas driebes. Ralfs sazakuortoj, aca-sāst ai muguru pret durovuom, ilīk ausies austīnes, pa-nam kaut kuodu tuvumā stāvūšu gruomatu, veruos, ku-ojes salics iz golda. Īt tāvs, slauciedamīs dvīlie, īrauga Ralfu, apsaver rozlyktuos montas, sūmu. Nam dvīli, ap-mat Ralfam nu muguras puses)

Tāvs: Laupietojs! Īguojs muojā bez klauviešonas?! Es tevi gadu sasišu!

(Ralfs acabreivoj)

Ralfs: Guten Morgen! Esķūz mī! Veri gut, veri gut!

Tāvs: Kuoda tev vieļ Vere. Nūsišši! *(Pagivs maizes ku-kuli nu golda)*. Laupiet atguoji?

Ralfs: (*Pagiun duovanu maisiņu*) Bitte! (*Pavalk uorā buordas dzeišonas putas*). Gesehenk! Bitte!

Tāvs: Ā! Gāzi pyussi! Dūmoj nazynu? Preces tierguotoji, a tī iškā gāze? Zynu! Nūsiššu!

(*Ralfs grib biegt, tāvs iz juo viersā, Ralfs bļāun, tāvs pyuš putas iz juo sejas*)

Ralfs: Nein! Nein!

(*Īskrīn meitas*)

Inese: Tātoj! Kū tu dori! Itys nav nikuods laupietojis! Itys ir muns draugs Ralfs nu Spānijas! (*Slauka Ralfam putas nu sejas*)

Tāvs: Kas? Draugs? Deļ kuo es tū izzynu toļkin tādiņ?

Iveta: Deļ tuo, ka tu eši idzins baili vusīm. Sorgoiji myusus ai Inesi kuo nazyn kū.

Tāvs: Kuo lai nasorgoju, ka tev dālam jou byus 6 godi, a juo tāva da ituo laika nazynu! Es jū gadu sovuom rūkuom mozgā sasītu!

Inese: (*iz tāvu i īguojušū muoti. Ralfs jai izreizes dūt duovanu, pučes. Tāvs nūzamīrynoj i nauzatrauc*) Es zynu, kū doru! Tādiņ klauseties abi! Itys Ralfs, mes ai jū ešam pazeistami jou 2 godus, kuo suoku struoduot pi juo. Jis mani vīnu šūreiz vaira nalaide deļ tuo, ka pats gribeja ipazazeit ar munu ģimeni. Jam ir nūpītņi nūlūki tū dareit.

Muote: Kas jis eisti ir? I kū tāt tu otkon pītaiseji ai sovuom sirdiem (*Iz tāvu*)

Inese: Es struodoju juo tūrisma firmā par gidi i tulku, tī muna svešvolūdu fakultātes beigšona ļūti labi nūder.

Tāvs: Tu tok ola darietovā struodovi.

Inese: Jā, es struodoju tī kuo pamatdorbā, a tūrisma firmā pīstruodoju nu dorba breivejā laikā. Ralfa tāvam pīder ola darietova, tū jis voda ar vacuokū dālu. Videjīs dāls ir lyls zemes īpašņiks, audzej mīžus deļ darietovas, a Ralfam, kuo jaunuokejam, pīder tūrisma firma – jis or-

ganizej ekskursejas gon iz uorzemiem, gon tīpat pa Spāneju.

Tāvs: Latvejā puīšu tryukst, ka ituodu nu Spānejas atvyłki? Jis navā vaira nikuods jauninkīs, i kuo ta mes ai jū lai sarunojam?

Inese: Gon jau sazaprasset. (*Aizved Ralfu*) Gehen!

Tāvs: Deļ kuo jai vāk tuoda, ai kurū mes nikuo nava-ram sarunuot?

Muote: Jei runuos, na mes. Paļdis Dīvam, ka kod atro-
da, es jou beidūs, ka paliks vacmeituos.

Tāvs: Es tuoda nagrybu sovā rodnie.

Muote: Bārņim sovs pruots, ema vartūs atvastūs du-
ovanu.

Tāvs: Es jou sovu izpyutu.

Muote: Pazaver, vieļ pylns maisiņš ai vusu kū.

(*Abeji aizīt. Īt Inese, Iveta, vuoc ustabu*)

Iveta: Itū trokumu! Toš Ralfs tāt biegs paceli nu ituoda tūpušuo sīvastāva.

Inese: Nazabeistīs. Ralfs jou tyka breidynuots par tāva stingrību i sirdīgumu. Jis beja ai mīru mane dieļ pacīst vusus puorbaudejumus.

Iveta: Jius dūmojat precietīs?

Inese: Iz tū pusi ir.

(*Iveta nūzapyuš, Inese suok jū žāluot*)

Iveta: Tev byus ģimene – vuss kuo vāk.

Inese: Nu, muosiņ, nasuoc otkon rauduot. Gona iz-
araudovuse jou eši. Tu par mani 2 godīm jaunuoka, i tev tožo vuss dzeivie nūzakuortuosīs. Es tevi suokšu vairuok vest sabidrībā. Kuo tu ipazazeisi, ka nikur naīmi – toļkin dorbs i muojas, dorbs i muojas.

Iveta: Bārņa tāvs tepat apleik vīn staigoj i navā ni slīņ-
ķis, ni dzārojs. Ar tuodu varātu dzeivuot.

Inese: Nu izstuosti tok vīnu reizi, cik ilgi klusiesi?

Iveta: Moš i pīteik sliept. Tuopat cylvaku acies naašu lobuoka palykuse.

Inese: Izīsem ai Ralfu pastaigā, tu i pastuostiesi. *(Aizīt)*

4. AINA

(Tāvs staigoj pa ustabu. Īt muote.)

Tāvs: Kū tāt lai mes doram?

Muote: Kas ta juodora?

Tāvs: Man ituoda znūta navāk. Es ai pierkstīm naprūtu ruodiet, a spāniski najādzu runuot, vuociski tožu nikuo – tī man beja divenīks.

Muote: Prīcojīs, ka tuods bogats nāmojs gadejīs, meita dzeivuos bez bādu.

Tāvs: *(Puormiediedams)* Prīcojīs! Ni sacie, ni brei-dynova – klabukušs – spānc ai vusīm zuobakīm kluot.

Muote: Naviekši vusu laiku!

(Klauvej, īt Stase)

Stase: Sveiki!

Muote: Sveiki, sveiki! *(Ai izbrīnu)*

Tāvs: Kuods viejs to tevi otkon atpyute?

Stase: A tuopat ai dielini iskieju, ka jou Baļtinovā ešu, dūmoju... Muns Juonīts tok ai Inesīti vīnā klasie muocejuos. A es verūs, ka jiusīm naz kuods gots atbraucs. Abejas meitas i mozdāls nu juo ni sūļa naatīt. Moš Ivetas bryugans?

Muote: Tys ir Ineses draugs Ralps nu Spānejas. *(Lepni)*

Stase: Pa kurū laiku to tuods izdeiga? Vakar tok jei atbrauce vīna.

Muote: Pakalie acadzyna. Lyla milestība. Es īšu vakari-nes taisiet. *(Aizīt)*

Stase: Es ai sovu sābrīti parunuošu. *(Tyvuok pīzasādu-se)* Ak, to draugs! Nu jā, tādin tuodu daudzi aizapladejīs – padzeivoj, pazaprīcoj i aizīt tuoļuok. Nūsauc sevi par draugu, i navā par naudu meita juopierk.

Tāvs: Nūpītņys draugs.

Stase: Hā! Draugs nav veirs, pīlauluots navā. Ka napa-teikt, var i pasyutiet tuoļuok.

Tāvs: Skaidrs, ka napateik.

Stase: *(Prīcīga, ka tāvs nav apmīrynuots ai Ineses draugu)* Kam tuoda uorzemnīka vāk? Tev jou tuopat gon bādu ai Ivetini. Itys vaira navā jauninkīs – apšmauks i te-vi, i meitu, dabuos tovu zemi, mežu i “Čau!” – pazusš kuo reita rosa. Moš tuodam jou 5 sīvas bejušs.

Tāvs: A vot tuo to es i napapraseju...

Stase: Radzi, kuo es tev taisu acs valie. *(Madainā bol-sā)* Tu rozaver labi iz muna dāla – sovs cylvaks – čoklys, gūdīgs i nivīnu meitu vieļ navā raudzejs.

Tāvs: Kuo tu tū zyni?

Stase: Vusu zynu. Tok muns dāls. Jis tev nabyutu švaks znūts.

Tāvs: Kū ta es ai tū atbraukušū spāni lai doru? Zemie nasissi i pacinie pa poštu tožo nanūsyutiesi.

Stase: Pasauc Inesi, i pamessem kūpā ai munu dālu – lai parunoj. Moš kas ni izīs izreizes. Klausī mane – tiksī valie nu tuo precinīka!

Tāvs: A moš tu eši izdūmovuse kū nalobu? Grākā es naleiššu. Es lobuok tev pasaukšu Inesi, ka jou gribi ai jū runuot.

Stase: Es vieļ tuo grāka naāšu izdūmovuse, bet ātri byus.

(Tāvs izīt, Stase sauc dālu)

Dāls: Nu, jou braucam? Cik ilgi vieļ man siediet ma-šīnie?

Stase: Ka ūs Inese, runoj ai jū par myusu bagateibu, par nuokūtnes plānīm, prosi, lai ženejuos ai tevi.

Dāls: Tu liksi man mīru ai tū ženiešonūs!

(Īt Inese. Stase aizīt)

Inese: Kū tu gribeji ai mani runuot?

Dāls: Nikuo. Munai muotei laikam jou smadzani izkol-tušs – grib mani pi teve par veiru izdūt.

Inese: (*Īzasmēj*) A kū tu?

Dāls: Man labi i bez preciešonus.

Inese: Ak tev labi? A tev vyspuor kuoda sīvīte ir bejuse?

Dāls: Kū tāt viel suoksi prasiet? Naāšu jou einuks.

Inese: Tuotod zyni, nu kuo bārni rūnuos.

Dāls: Kas es duraks?

Inese: Kuo tu dūmoji, voi munai muosai tū dālu viejs īpyute?

(*Dāls apstulbst, nervuzej*)

Dāls: Nazynu... deļ kuo man tū prosi... es nikuo nazynu par Ivetu.

Inese: Nazyni? Iveta beidzūt suoka runuot.

Dāls: Lai runoj. Kuo ta nivīnam nastuosteja itūs godus nikuo.

Inese: Jā. Nastuosteja, i beja mīrs. Tev gon jei izreizes paziņova, ka geida bārnu, a kū tu saceji?

Dāls: Kas... (*rausta volūdu*) kas man byutu juosaka?

Inese: Tu nūlīdzi vusu, tu nāatzyni tū bārnu par sovu i itūs godus centīs nu jūs abeju byut tuoļuok.

Dāls: Kuo es varu zynuot, kuo tys bārns? Kazyn cik jou bryuganu moš ir bejs.

Inese: Ak nazyni? Ak da tuo sprosts, ka nazyni?

Dāls: Es našu sprosts... Kas tī var byut... nu vīnas reizes. Naz kuods dullums izguoja tumā Juonedīnas naktie.

Inese: Ak nu vīnas reizes! Kazyn cik reižu tu gūvi pi vierša vodoji, lai byutu riktīgi? A? Cik? Pīcas?

Dāls: Nā.

Inese: Es Ivetu pīrunovu, lai jei taisa bārna DNS analīzi i tīsā pīruoda, kas ir tāvs, ka jou tu vusu nūlīdzi. Vusi izzynuos, kuods eņģeļs tu patīsībā eši!

Dāls: Deļ kuo ta jei piec tam vaira nikuo narunova?

Inese: Kas – moš jai iz celagolu tovā priškā vādzie stāviet i lyugtīs? Dūmoji – jai lepnuma navā?

Dāls: Kuo pīdzyma puika, es ai jū mieģinovu runuot, a jei pasacie, ka es vaira nāāšu vajadzeigs i ka vyspuor nāāšu bārna tāvs. Es pakalie tožo naskraidiešu. Puikam ir muotes uzvuords, a tāva vuorda aplīcībā nav.

Inese: Tādiņ byus! I alimenti byus! A ka nagrybi caur tīsu, to tev pašam laicīgi juoacazeist i juolyudz Ivetai pīdūšona. Saproti?

Dāls: Saprotu.

Inese: Tādiņ ejam pi Ivetas i suoc vusu vierst par lobu!

(*Inese, dāls izīt uorā. Īt Stase ai tāvu*)

Stase: Vui Dīviņ! Dieliņs aizguoja kuo muokiņs. Lai-kam Inese nalabi izatureja. Deļ tuo juodaboj ātruok pāceli tys atskriejušīs vistilips.

Tāvs: I Inese izaviera cīši sirdīga.

Stase: Es izdūmovu plānu. Daboj reitu nu muojas uorā abi meitas i sovu buobu. A spāni pamet ite, soki, ka gribi ai jū lobuok īpazazeit, lai buobas natraucej.

Tāvs: Nu?

Stase: Reitu vydušškolas direktors vad zvīdru gostus iz Reigas lidūstu. Īpietiesem tū bryuganu autobusā i syu-tiesem kuo ekskursejā. Paprasiesem, lai šopers Nor-munds jū Reigā aizmierst voi īgryuž lidmašīnie.

Tāvs: Jā, jis tiuleit sazazvanies ai Inesi i byus atpakaļ.

Stase: Nūsliep jūs abeju tiliponus. Ka nazynuos, kuo tikt atpakaļ – nūbrauks iz sovu Spāneju.

Tāvs: Nu nazynu, navā jou jis cik sprosts.

Stase: Iz teve nabyus nikuodu aizdūmu, ļaun man vu-su nūkuortuot. Man vuss plāns jou golvā. Nūsliep tiliponus i ap 900 lai muojā buobu vaira nabyutu!

(Stase uorā. Tāvs izīt reizie uorā. Īt Inese, sied, Ralfs nu aizmugures ai puči)

Ralfs: I love you!

Inese: Ralfi! *(Apsācer, nūzabučoj. Īt tāvs, nikns)*

Tāvs: Kas vieļ nabyus! Lai, nikuodu čarstiešonūs i bučuošonūs nabyutu! Gulieset kuo i paguojušū nakti – kotrs sovā ustabā. Šlāpen! *(Ruoda Ralfam)* Ā –a, ā –a. Iz tīni! Tuda! *(Ralfs aizīt)*

5. AINA

(Stase kluot. Tāvs nervuzej)

Stase: Meitas jou paceli?

Tāvs: Nui!

Stase: Kuo mobilņiki? Nūsliepi?

Tāvs: Nui! *(Veruos apleik)* Stasi, man baile! Es navariešu!

Stase: Kuo raustīs kuo zvierbuļs iz dīga? Oknu pavusam navā? Īraun 100 gramu – moš drūsme pīzabuo vies. *(Stase dūd pudeli)*

(Tāvs panam pudeli, abi īraun)

Tāvs: Nā. Navā.

Stase: Kuo navā?

Tāvs: Ni oknu, ni muogas. Zornas vīn palykušs i tārnyuc pa vādaru kuo pārkiuņs.

Stase: Verīs, lai tys pārkiuņs nu bails nasaskrīn biksies. Ka jou tuo beistīs, to pamet tū dorbu munuos rūkuos, es vusu nūkuortuošu.

Tāvs: Es lobouk īšu paceli.

Stase: Losīs i natraucej!

(Tāvs izīt. Stase taisa kopeju, īber pulverīti, dalīk buļcinī, madainā bolsā sauc)

Stase: Ralf! Ralf! Herr Ralf! Mister!

Ralfs: Good morning!

Stase: Guten Morgen! Es jou tuopat nikuo nasapraššu, kū tu runoj. Bitte dritte – kaffe! Izraun krušķini!

Ralfs: O! Sie sprechen deutch?

Stase: Špreken! Špreken! Tu tār kruši, kruši izdzer kopeju, lai ātruok izadorboj iz teve tys šķeistums.

Ralfs: Danke, aber ich... *(Ai rūkuom ruoda, ka nagryb dzert)*

Stase: Bitte, bitte, dzer, lai mīrīguoks da Reigas byutū.

Ralfs: Nein. Danke schon!

Stase: Dzer, gads! Kū tu verīs? *(Mieģinoj izspīst osaru)* Es tuo centūs *(ruoda ai rūkuom)*, nu sirds...

(Ralfs apjucs, mīrynoj)

Ralfs: Gūt, veri gut. *(Dzer)*

Stase: Rupucs spolvojīs, paļdis Dīvam, izdziere! O! Jou autobuss taurej! *(Skan autobusa taure)* Tādin, mister Ralf, juobrauc ekskursejā! Ekskursion!

Ralfs: Ekskursion? Warum?

Stase: Darum. Ekskurseja Latvija – Riga. Faren! I atpakaļ vaira nabrauc.

Ralfs: Aber, Ines sagte...

Stase: Inese, Inese, nui Inese sagte man *(ruoda iz sevi)* ekskursion! Kustīs toš čorts tuods, autobuss jou geida. Faren, faren! Inese Riga.

Ralfs: Wo ist āter?

Stase: Fāters jis tev vieļ navā. Faren, faren. *(Stum uorā Ralfu, tys giun žaketi).* Aufwiedersen! Čau!Čau!

(Īt atpakaļ, nūzapyuš) Paļdis Dīvam, paceli ir! Tādin juokuortoļ myusu delas. Dieliņ! Ej šī ustabā! *(Īt dāls)* Tādin siedī i geidi. Inesei ātri vāk byut. Ka atbrauc – byldynoļ! Mes navaram vilkt garumā. Izreizes byldynoļ, vuss juopaspieļ!

Dāls: Kas juopaspieļ?

Stase: Pī mozbārna ātruok tikt.

Dāls: Tev jou ira mozdāls.

Stase: Namuldi, dieliņ! Tev nu meitu geidiešonas jou golva sazagrīzuse. Geidi i runoj, ņem sovu dzeives laimi i Ineses bagateibu! Es pa tū laiku aizskrišu iz poštu, a tu parunoj ai Ineses tāvu. Jam tepat naz kur juobyut.

(Stase paceli. Īt tāvs)

Tāvs: Kuo tāt sieži vīns kuo vacīs brusaks?

Dāls: Geidu Ivetu.

Tāvs: Tu gribeji saciet Inesi. Nu navā jou man nikas ibylstams pret tevi – i čoklys, i parunuot ai tevi latviski var. A kū ta ai tū spāņu lemes!

Dāls: Muna muote pavusam sajukuse ai tū preciešonūs, grybūte ātruok mozbārnus.

Tāvs: Mozbārni loba dela.

Dāls: Es soku, ka jai jou ir mozdāls, a jei per vīn tu-oluo i nazaklausa.

Tāvs: Tuo ira, jei nazaklausa nivīna. Buoba ai pautīm.
(Sied abeji)

Tāvs: Jou ira?

Dāls: Kas?

Tāvs: Mozdāls.

Dāls: *(pazaviers laicini)* Muns dāls... ir tovs mozdāls.

Tāvs: Kuo? Tu eši tys gads, kas samaitova munu Ivetiņi?

Dāls: Jā!

Tāvs: Nūsiššu! *(Zūbus sakūds, rūkas kulakūs)...* Tu... cyuka!

Dāls: Ka tu tāt mani nūsissi, to siediesi cītumā vusu atlykušū dzeivi – nabyus ni bārnām tāva, ni vactāva.

Tāvs: *(Pagivs spyľvanu nu dīvana, suok sist)* Tu zyni... tu vepris... cik es ešu izcīts kauna... deļ tuoda duraka... *(šļopoj dālu).*

(Īt vusas treis – Iveta, Inese, muote)

Muote: Kū tu dori? Troks palics!

Tāvs: Jā, troks! Es jū... *(Meitas naļauņ, tur)*

Dāls: Mes spieļojam speli – tāvs syt meitas gūda lau-pietoju.

Muote: Tu eši... Ivetiņ! Itys mymra, kurš sied muotei zam tupeles?

Iveta: Beidzūt pats acazyna?

Inese: Tātoj, ai spāku nikuo napanuoksi, runojat mīri-gi. A kur Ralfs? Laikam nūzabeids nu kautiņa. *(Aizīt)*

Muote: Pa mīram vāk, natrokoj vacīs, tuopat vaira ni-kuo naizdariesi. Ema iz duorza atpyutas nūjumīti, paru-nuosem.

(Īt vusi. Inese izīt nu ustabas)

Inese: Tāvs, kur Ralfs?

Tāvs: Nazynu.

Inese: Kuo nazyni? Iveta, idūd sovu mobilū, muns naz kur pazuds, juoatrūd.

Tāvs: Ej i vaicoj, te, radzi, ka navā.

Iveta: Es zvaniešu, a tu klausīs, kur ir.

(Zvona vīnā čibā zam dīvana. Inese izvalk)

Tāvs: O! Radzi, kuo ira, ka nasorgoj. Kam tāt viel zvonī?

Inese: Ralfam.

(Tāvs nūzapyuš. Mobilņiks zvona dekorativejā vāzie)

Inese: Kū tys nūzeimoj? Ralfs ite telefona naturātu.

(Tāvs rausta placus)

Tāvs: Kuo lai es zynu, kur tī ispancy tūs mobilņikus tur?

Inese: Kur ir Ralfs?

Tāvs: Nazynu. Moš sied atejā voi kur ni uorā.

Inese: Mobilū jis ituo nikod nabuoztu vāzie.

Tāvs: Man juoīt pi muotes i tuo ierzeļa. Ema, Ivetiņ, tāt juodūmoj par tovu dzeivi. Tys gads vess tevi pi oltara vu-sa pogasta priškā!

Iveta: Tu dūmoji, ka es ai jū grybu precietīs? Man jis navā vajadzeigs.

Tāvs: Gribi voi nagribi – tei tova dela, a bārnām tāva vāk.

(Izīt uorā)

6. AINA.

(Inese staigoj pa muoju, uzatrauc).

Inese: Šausmas, jou vokars. Kur jis ir?

Iveta: Tāvs nūteikti zyn, cytuoži jis nabāgtu nu teve.

Inese: Jam Ralfs napateik.

Iveta: Man tožo na vusai. Krītnūs godūs, bet nav viel precejīs.

Inese: Jam tolķin 40, jis vusu laiku i spāku velteja biznesam, reiziem pat pa nakti dorba daudzuma dieļ gulejs sovā birojā.

Iveta: Radzi, kū cylvaki dora naudas dieļ.

Inese: Tūtīs tādiņ jis ir turīgs i var acaļaut daudzi kū. Jam ir muoja laukūs, villa pi jīuras, dzeivuklis Madridie, nauda bankā...

Iveta: Tev jis vyspuor pateik, voi tys vuss bagateibas dieļ?

Inese: Nav jou švaka i nauda, bet cik sprosta es nāašu, ka preciešūs ai tuodu, kas gādīs.

Iveta: Es izdūmovu, kuo dabuot nu tāva vajadzeigū informaceju!

Inese: Nu?

Iveta: Pasoki, ka tev byus nu Ralfa bārns. Tūlaik tāvs jū kot nu zamzemes izraus i nūliks oltara priķšā.

Inese: Tu tuo dūmoji?

Iveta: Pazaver, kuo Juonem suoka šļopuot pa kupri, ka izzynova, ka jis ir muna dāla tāvs.

Inese: Icik nūpītņi muoniet to nav labi, bet nakts jou viersā... Man jis juodaboļ. Sauc tāvu.

(Iveta atvad tāvu, pate aizīt)

Inese: Tāvs, ka tu zyni, kur ir Ralfs, soki, a nā to i man byus bārns bez tāva. Moš tu jū prodzyni – tūlaik to vuss.

Tāvs: Man byus ūtrīs mozbārns i otkon bez tāva? O Jezus, a kur jius tuodas palaistuves man gadejušis! Mes ai muoti gūdīgi cylvaki – papriķšu apsaženejam i dūmovam par bārnīm, a kur ta ite! Vot kū dora skrīšona pa pasauli. *(Sirdīgi)* Radzi, kuodas meitas!

(Īt muote)

Muote: Kas ta meituom par vaini?

Tāvs: Tu jou izbliedi, vusu atļāvi, a es audzynovu kuo vāk – ai stingribu. Tān abejas ai bārnīm i bez veirīm!

Muote: Es? Tev vusi znūtu kandidati ir švaki. Iz ituo uorzemņika vieris ai greizū aci, toš cylvaks nieme i nūbāga pa klusam.

Tāvs: Jis nabāga! Stase jū aizsyuteja iz Spāneju atpakaļ.

Inese: Kas? A deļ kuo? Tys navar byut!

Tāvs: Muot, ej, soki Ivetai, lai jei zvona sovam direktoram, moš viel Ralps navā aizlidovs. *(Muote izīt)*

Inese: Navā jis sprosts, ka tolķin atbraucs i otkon skrīs atpakaļ. Biļetes ir laicīgi juonūpierķ.

(Īt Ralfs)

Ralfs: Guten Abend!

Inese: Ralfi! *(Apķer, nūbuķoj)* Kom!

Tāvs: Stāvi! *(Nūzastuoj pa vydu)* Man ai jū juorunoj!

Inese: Kuo ta tu sarunuosi?

Tāvs: Es pats zynu!

(Inese iķukst kaut kū Ralfam). Kū ti šveikstaties? Ines, ej paceli! (Inese aizīt)

Tāvs: Siedi! *(Ruoda ai pierkstu iz krāslu)* Daleidi pi munas meitas? Svīžuokas gales aizagrybeja. Made in Latveja. Jā? Samaitovi? Kuo tān veris iz mane ai sovuom

syvana aciem? Nasaprūti? Leidi kluot i... i... cug, cug da-reji?

Ralfs: Zug? O jā! Wir fahren mit Zug nach Jūrmala.

Tāvs: Jūrmolā? To cytur vītas vaira nabeja?

Ralfs: Jā, mit Zug. *(Ruoda, kuo brauc ai vilcīni)*

Tāvs: Naruodi, pats zynu, kuo tys nūteik. Tān jou Inese geida razultatu tam cug –cug.

(Ralfs veruos i smaida)

Tāvs: To so vieļ nasaprūti? Kur cik sprosts cylvaks var byut... *(Panam spyľvanu, buoŗ zam džempera)* Inesei byus bārnš.

Ralfs: Kinder? O, ich liebe Kinder. *(Muoj ai golvu)*

Tāvs: Ā, Kinders. Tān acacerūs. Mozdālam pierk so Kinderūlas. Jā, Inesei byus Kinders. Tān ātri juozap-rec.

Tāvs: Tuotod otkon nasaprūti! *(Nam nūsvīstū lokatu, sasīn mozgu, izlīk iz golvas kuo plīvuru)* Es – Inese. Tu – Ralps. Mes precamies. *(Suoc ryukt kuoŗu marŗu, nam Ralfu zam rūkas, vad pa ustabu)* Īmam pi oltara. *(Ruoda iz dīva koktu).*

Ralfs: Jā, ich heirate Inese. Jā! Warte bitte! *(Aizskrīn, atnas dīvas kastītes. Ruoda kuoŗu gradzanus)*

(Tāvs laimīgs, gondreiŗ suoc rauduot)

Tāvs: Malacs! Naaŗi tu cik sprosts. Tu par tū jou dūmo-ji. Tān toľķin vāķ nūrunuot kuoŗu datumu i mīrs byus. *(Giun kalendari)*

(Īt Inese)

Inese: Vusu sarunovat?

Tāvs: Jā. Sazaprotam kuo cyuka ai zūsi, bet vuss ir, kuo vāķ. Tān toľķin datumu vāķ izlemt.

Inese: Nu tū moŗ i reitu var. Tān jou juoŗt gulātu.

Tāvs: Labi, meitiņ, lai ira pa tovam.

(Inese ar Ralfu īt iz sovu ustabu)

Tāvs: Nā! Atpakaļ! Tu, znūtiņ, iz sovu komarcini. Da kuoŗu nikuodu priķu nabyus.

Inese: Tātoŗ, kū tu ķiezīs... Vyspuor, es griķu zynuot, kuo Stase tyķa pi teiķŗonas Ralfā izsyutieŗonā. A?

Tāvs: Tu mane naŗantaŗej! Kotrys iz sovu ustabu!

(Inese, Ralfs aizīt kotrs iz sovu pusi)

Tāvs: Oi, mugura ţļapna nu ituodas runuoŗonas ai spāni. Juoacasāst, pazavierŗu, kurīs datums lobuok de-ries. *(Veruos kalendari, suok snaust, nu ustabas ar mobi-lū pi auss zūguos Inese, jei ir naktskleitā, īt iz Ralfā usta-bu, kuoŗe aizagiun ai greidas deķa, tāvs prozamūst)*

Tāvs: Kur tu īmi?

(Inese sazatryukst)

Tāvs: Tiuleit iz ustabu!

Inese: Mes ai Ralfu sarunovam pazastaiguot...

Tāvs: Es jū ātri atrunuoŗu. Gulātu! *(Inese aizīt)* Voi ta tān man vusu nakti byus abeji juosorgoŗ? Nu, nikuo, re-dziesem, kuram lyľuoka izturība!

(Piec laika acaver durovas, pazaruoda rūze i spolvoja, plyķa kuoŗe, celygolā ţalīķta. Tāvs panam rūzi, vīgli aiz-spīŗ durovas, skrīn iz krāŗlu i, apsapľiets ai sagu, kas ir iz krāŗla, sied. Ralfs īt, klusi runuodams mīľus vuordus i saukdamš Ineses vuordu, īrauga krāŗlā ţāduŗū, apķer, buķoŗ. Satausta buordas rugoŗus, raunuos nūst, tāvs, smīdamīs uzvarietoŗa smīķlus, aizdzan jū gulātu)

7. AINA.

(Muote oda, tāvs eľľoŗ bāŗnu ratiņus. Klauvej, īt Stase ai tortu, byķsta dāľu)

Stase: Vasaly ţudin!

Muote: O! Jou kluot ai sovu souvaľņiku.

Stase: Kuods tev souvaľņiks! Zalts, na dāľš!

Muote: Meitu ģieģers.

Stase: Muns eņģelīts! Da jis nu meitu par gobalu turis. Radzi, pašai juoguudoj vadakla. Ka juo nadaspīssi ai varu precietīs, nikuo nabyus. Kur ta Inesīte?

Muote: Ines, ej šī! Stase tevi sauc.

Stase: Nā, na es, Juons.

Dāls: Muot, es tev jou saceju – nazamaisi munā dzejīvie, es pats zynuošu, ai kū precietīs.

Stase: Jā, sageidiesi. Man viel mozbārnus gribis redziet. (*Īt Inese ar Ralfu, apsačārušs. Ralfs pamuoj Stasei, parausta uzacs, pīmīdz aci*)

Stase: Kuo itys te otkon tyka?

Inese: Atliduo kuo putniņš. Šofers jū Reigā navareja pīcelt – ciši lobas mīga zoles īdevi. Tuo i izvodova iz Reigu i atpakaļ. Ai veļšonu lidmašīnie naīveļsi.

Stase: Inesīt, napļuopoj, myusīm ai tevi juorunoj! (*Nikni iz Ralfu*) Lai jis īt paceli!

Dāls: Jā, man juorunoj ai Ivetu. (Inese ai Ralfu aizīt)

Stase: Ai Inesi, na ai Ivetu!

Dāls: A es soku, ka ai Ivetu. Nazamaisi!

Stase: Troks tu palics, kū dariesi ai tuodu, kurai jou bārns pyurā!

Dāls: Iveta!

Stase: Tu žurku zuoļu apsaieds? Kū es dariešu ai tuodu vadaklu – ni bagateibas, ni mašīnes, i bārns jou ai vusīm zuobaciņīm!

Dāls: Kū tu dariesi, es nazynu, a es Ivetu gribu preciet.

Stase: Duraks tu, tuods pats kuo i tāvs!

(*Atīt Iveta*)

Dāls: Iveta, voi tu esi piec vakardīnas sarunas izlāmusē, vari dūt atbīldi?

Stase: Tuo jou ira – navar to bez apdūmas muns dāls nīmīt sovā muojā svešu dzagiuzānu. Byutu kod zynams,

kas juo tāvs. Izaudzies, i piecuok atīs eistīs tāvs i pīsacies sovas tīsības.

Iveta: Tuo jou ira, Juona muot, tuo jou ira, ka veirīts beistuos uzanīmīt atbīldību par sovū bārnu. Tūlaik tys bārns juoaudzynoju muotei vīnai ar vacūtāvu i vacūmuoti.

Stase: Tuo ir, tuo ir.

Dāls: Nu, byusi muna sīva?

Stase: O, Jezus, vuss par veļti!

Iveta: Jā. Bārnām tok juoaug ai eistū tāvu.

Stase: Dieliņ! Tu... a... pa kurū laiku?

Tāvs: (*Īdams ar muoti*) Cikam naredzeji – pa tū laiku. Pa timsinēm.

Stase: !!! (*Muti rozplātuse, īwalk elpu, ātri "pagrīž kažuku iz ūtrū pusi"*) Vot itys ir dāls! I pats jauns, i bārns jou lyls...

Tāvs: Jā gūds i slave – icik godu beiduos acazeit.

Muote: Licīs mīrā! Tādiņ vuss ir kuorteibā i vari pīcuotīs.

Tāvs: Munas meitas kod namuonej.

Stase: Namuonej, namuonej. Nu, vāk roziest tū tortu kod. Kuo ir, tuo ir.

Iveta: Ejām vusi iz virtuvi! (*Dāls, Iveta i Stase aizīt*)

Inese: Mes tiuleit aizīsem. Mammu, tātoj, mes ar Ralfu gribejam paziņuoit, ka myusu kuozas byus piec divīm mienešīm.

Muote: Cik ātri?

Tāvs: Kuo ta viel geidiesi? Varie byut i ātruok.

Inese: Deļ kuo tā?

Tāvs: Ūtris mozbārns nageidies.

Inese: Kuods mozbārns? Tev moš nu uztraukuma par meitu pīcībuom golva sazagrīzuse.

Muote: Jis vusu reitu tūs rotus taisa deļ ūtruo mazbārna.

Inese: Muna? Mes paprišku apsapreciesem, tūlaik i dūmuosem par bārnīm.

Tāvs: Kuo? A kur ta palyka vakarejīs?

Inese: Es tok saceju, ka viel toļkin byus tys bārns.

Tāvs: Tu man muoneji?

Inese: Tu tožo man muoneji i saceji, ka par Ralfa pazuššonu nikuo nazyni. Kuo tu, tuo es – uobuls nu uobeļnīcas tuoļi nakreit.

Tāvs: Jā! Muna meita! Nudi muna meita!

Iveta: Kur jius palīkat? Ines, Juoņs pīkryta, ka kuozas reikuosem vīnā dīnā ar jiusīm.

(Inese prīceigi Ralfam)

Ralfs: Jes! Veri gut!

Dāls: Turet gluozes! Lai īt tosts par dubultejuom kuo-
ozuom!

Stase: Pareizi! Mozuoki izdavumi byus! Gudrs dāls!

Tāvs: Par munuom meituom i tūpušejīm znūtīm!